

Ayera den Corte na Miami

RANDY HABIBE A BISA CU E NO TA CULPABEL

Awor proceso lo cuminsa pa un caso penal

ORANJESTAD(AAN) -- Ayera merdia Randy Habibe a presente dilanti Juez na Miami caminda el a enfatisa cu e no ta culpabel di loke autoridatnan Mericano ta sospech'e.

DIARIO a haci un entrevista cu abogado mr. David Kock kende ta siguiendo henter e proceso di caso na Miami hopi di cerca.

Na Merca e sistema di Corte ta completamente diferente cu esun Hulandes cu nos conoce.

Na Merca bo tin cu presenta dilanti Juez caminda nan ta lesa e acusacionnan contra bo y bo tin cu bisa si bo ta declara bo mes culpabel of no culpabel.

Si bo bisa cu bo ta culpabel, e ora ey Corte ta fiha un fecha caminda lo dicta sentencia. Si bo declara cu bo no ta culpabel, e ora ey lo bay sigui un

proceso pa yega na un caso penal caminda un grupo di persona cu conocimiento di ley (jury) lo atende e caso y finalmente nan lo determina si bo ta culpabel of no y Juez lo dicta sentencia.

Ayera den Corte na Miami, a lesa e acusacionnan contra Randy Habibe kende tabata presente hunto cu su abogado Mike Rosen. Manera ta conoci, Merca ta sospecha Randy Habibe di a laba 800 milyon dollar y a trafica droga.

Randy Habibe a bisa Juez cu e no ta culpabel pa loke nan ta acus'e.

Esey ta nifica cu awor lo bay sigui e proceso cu lo culmina den e caso penal. Abogado mr. David Kock a splica DIARIO cu e proximo cos cu lo bay sosode ta cu lo bay stipula un fecha caminda lo bay scucha testimonian y presenta e documentonan. Despues cu a caba cu e parti aki

lo bay selecta e personanan cu lo bay evalua e caso (jury) y finalmente lo fiha un fecha caminda lo trata e caso.

DIARIO a puntra mr. Kock si e tin un idea mas o menos cuanto tempo e proceso aki lo dura promer cu Juez dicta sentencia. Abogado mr. Kock a bisa cu e no tin un idea pero e ta kere cu esaki lo bay dura algun luna promer cu ta asina leu cu Randy Habibe su caso lo tuma lugar.

Actualmente Randy Habibe ta encarcela na Federal Detention Center den centro di Miami y ta hunto cu un otro persona den un cel. No ta conoci si e lo keda encarcela

eynan te ora cu e caso tuma lugar of si lo mand'e un otro prison en espera di e caso. Abogado mr. Kock a duna di conoce na DIARIO cu informacion cu el a ricibi di Merca ta cu Randy Habibe ta bon.

Awor cu e parti di scucha testigo y presentacion di documento ta bay tuma lugar, ta interesante pa sa con Corte di Merca su reaccion lo ta ora Mike Rosen muestra nan cu Corte Supremo di Hulanda a declara e pruebanan presenta contra Randy Habibe ilegal ya cu e forma con a yega na esakinan no tabata legal.

Manera ya DIARIO a publica, autoridad Mericano a

laga sa cu nan no tin cunes cu Corte Supremo a declara e pruebanan ilegal, nan lo presenta esakinan contra Randy Habibe den Corte. Awor lo bay mira kico e resultado di esaki lo ta. Entretanto ta asina cu na Hulanda e tramitacion cu Corte Suprema trata e caso di extradicion cu abogado nan di Randy Habibe a cuminsa. Esaki tambe lo ta interesante pa sa kico e decision di Corte Supremo lo ta.

Den e proximo lunanan lo por haya mas informacion riba e casonan aki y asina esakinan sosode, DIARIO lo informanos lectornan.

FOR SALE OR RENT by owner

Executive house in Ponton:

5 bedrooms, 5 1/2 bath, laundry area, garage w/garage door, living room, kitchen, dining room, patio, swimming pool w/bath & bar, annex apartment, security system.

Call (824250) or fax (837921)

E.R. Arends during business hours

ROYAL PALM CASINO ARUBA INVITES YOU TO OUR DAILY RAFFLE CASH PRIZES

02:00 P.M. \$50.00

04:00 P.M. \$50.00

08:00 P.M. \$100.00

10:00 P.M. \$100.00

12:30 A.M. \$200.00

MONTHLY \$ 5,000.00 DRAWING

ON THE EAST SUNDAY OF EACH MONTH

DOUBLE SLOT JACKPOTS

FROM

04:00 P.M. - 06:00 P.M.

12:00 A.M. - 02:00 A.M.

LOCATED AT THE ALLEGRO BEACH RESORT

(Formerly The Americana)

J.E. Irausquin Blvd # 83. Tel.: 867606. Fax: 862110

TA BENDE = TE KOOP = FOR SALE = SE VENDE



BORDEAUX DOG = PUPS (FRANSE MASTIEF)
MET STAMBOOM
BEIDE OUDERS AANWEZIG.

FOR MORE INFORMATION, PLEASE CALL:
843959 / 930572 !!!!! ANY TIME !!!!!

THE BOSTON STORE

Especialmente pa
PAPA

Nos tin É regalo !!
Tambe pa Opa, Tio, Padrino y
Primo nos tin algo magnifico.

Faha, Mea, Camisa, Carson, Jeans, T-shirt,
Polo-shirt, Dashi, Short y hopi mas.....

Naturalmente nos tin
DESCUENTONAN SPECIAL

PROMENADE, SAN NICOLAS

